

Forvígiskonur yfirgefa Kvennalista

Sigríður Lilly Baldursdóttir, formaður Kvenréttindafélags Íslands og ein af forvígiskonum Kvennalistans, sagði sig úr samtökunum í gær. Hún greiddi atkvæði gegn því á landsfundi Kvennalistans um helgina að farið yrði í viðræður við A-flokkana um hugsanlegt samstarf. Það var hins vegar samþykkt með 38 atkvæðum gegn 16 atkvæðum, en 6 konur sátu hjá.

Fjöreggið brotið

Sigríður Lilly segist fyrst og fremst ósátt við vinnubrögðin. Hópur kvennalistakvenna hafi „í krafti 22ja atkvæða munar bvingað Kvennalistann til vinstri

í stjórnámálum. Í mínum huga skiptir þó mestu að „hópur kvennalistakvenna“ hefur í aðgerðum sínum langt í frá haft í heiðri vinnubrögð Kvennalistans... „Hópur kvennalistakvenna“ fer með nafn Kvennalistans með sér í viðræðurnar við flokkana en hann fer ekki með fjöregg hans því það var brotið á landsfundi Kvennalistans,“ sagði Sigríður Lilly í samtali við Dag í gærkvöld.

Töluverð hreyfing

Viðmælendur blaðsins innan Kvennalistans eiga von á að fleiri eigi eftir að segja skilið við samtökin en einnig hafa nokkrar



Sigríður Lilly Baldursdóttir segir bless við Kvennalistann.

konur gengið til liðs við hann eftir landsfundinn. Þar á meðal er Elísabet Þorgeirsdóttir sem gekk til liðs við Þjóðvaka í síðustu kosningum.

Ekkert hreint framboð

Afar ólíklegt þykir að Kvennalistinn bjóði aftur fram til þings, hver svo sem niðurstaðan verður úr samfylkingarviðræðum vinstri flokkanna. Flest bendir einnig til að Kvennalistinn bjóði hvergi fram í sveitarstjórnarkosningum næsta vor, nema í samstarfi við aðra flokka. Fimmtán ára sögu sérstakra kvennaframboða virðist vera að ljúka.

Sjá einnig bls. 3.